Di Caodistria, dil podestà et capitanio, di 3. Zercha il castel di Mocho, non pol proveder de lì per non aver danari quella camera. Item, la galia, soracomito sier Piero Antonio Falier, è zonta e la manda verso Muja, Monfalcon e Grado per conforto di quelli populi, perchè triestini fanno danni assai, e saria ben le do fuste di Muja stesseno in hordine per quel golpho; et il provedador Zivran di stratioti voria licentia per 6 zorni di vegnir a Venecia et poi ritornar; et cussì per Colegio li fu concessa potesse venir.

261 Sumario di do lettere, di sier. Andrea Zivran, provedador sora i stratioti in Istria, venute in questi zorni per avanti, drizate a la Signoria nostra.

La prima data in Caodistria a dì 28 mazo: come andò per veder di aver Castelnovo e volse aver il castelam prima, qual era solito andar fuora dil castello, unde l'andò con li stratioti e fe' imboschata di 40 stratioti et mandò il butin fato avanti, unde quel castelam ussite fuora con 40 cavali et 50 fanti ballestrieri con gran ulutato, et nostri stratioti vigorosi, tre, investiteno in lhoro, zoè domino Thodaro Renesi, fiol di domino Geta capo et cavalier, domino conte Renesi et domino Nicolò Trachagnoti, li altri stratioti fuziteno, lui provedador si afrontò con quel capitano qual è di bello aspeto e lo scavalchò e lo ferì ne la golla, lui capitano si levò con la lanza in man et li menò 5 gran bote per gitarlo da cavalo et lo ferì in una cossa, et vistosi esser abandonato da li stratioti et a Thodaro Renesi amazà il cavalo e quel dil conte Renesi ferito e cussì quel di Nicolò Trachagnoti si retornoe in Caodistria; e lauda molto questi tre, e se li altri stratioti li seguiva era bella vitoria, et varito ch' el sarà di la ferita vol tornar, ma voria licentia di la Signoria di venir qui per 6 zorni.

Dil dito, ivi, di ultimo mazo. Chome hessendo a di 26 a la campagna a la volta di Rozo, ricevete lettere di la Signoria nostra, risponde zercha le artellarie e monition, ave domino Damian di Tarsia, videlicet a Montona à uno sacro buta lire 25 di balota di ferro qual lo tieneno per barili 14 di polvere dati, etiam è uno falconeto senza leto et è roto. Item, a Puola è uno altro falconeto, vol andar li e manderà a la Signoria polvere barili 96, che ivi si ritrovano. Item, a Parenzo uno cortaldo mandato li per il podestà di Caodistria et ebeno uno baril, di grandi, di polvere et tre di picoli et 3 casse de vere-

toni et freze; a San Lorenzo uno baril di polvere di lire 60; a San Vicenzi do barili grandi, lire 100 l'uno, et manda la poliza quanto è stà mandà a l'arsenal. Item, serive che quando fo a le man con inimici soto Castelnovo 6 stratioti fuzì qualli restono fuora per robar et andoe verso Bresoniza, fono asaltati da Pas Marco con 3 cavali et 300 fanti, li stratioti ben si portoe ne amazono 6, di stratioti ne mancha tre, non si sa dove siano.

Di Albona, di sier Filippo Minio, podestà, 261* date a di ultimo mazo. Chome ozi terzo zorno et eri ha hauto, per exploratori soi, inimici imperiali haver conduto nel contado de Castoa canoni dui de bombarda, buta balote di ferro, molto recipiente, e falconeti tre, si judicha siano venir in quelli lochi per le continue minaze hanno facto. Et avisa a di 27 zonse il bombardier mandatoli per la Signoria nostra e le lettere al provedador di stratioti dovesse dar il favor di cavalli ut in litteris, et tamen non à fato nulla, adeo è restà quelli meschini tutti disolati; per tanto dimanda li sia provisto di cavali 25, over fanti et munition ut in litteris et artellarie, e perchè el principal teror a li inimici era per conservation di Albona e Fianona la galia, soracomito sier Zuan Francesco Polani, e di le insule circonvicine, qual hessendo partita sono rimasti con paura; la qual lettera fo leta in Colegio, a di 4 zugno.

A dì 9 domenega, in Colegio, prima reduti in 262 camera dil principe fono lecte lettere di Campo e di Padoa, il sumario è questo:

Di Campo, di provedadori zenerali, di 8, hore una di note, date Brentelle. Chome sono stati quel zorno con il capitano di le fantarie e altri condutieri a soraveder li repari di Padoa et l' opera di Coalonga, et vede bisogna presta riparation, è fato pocho, voriano si mandasse homeni di quì, et lhoro deputerano sora di quelli probi di Campo, acciò siano compiti, e di guastatori di le ville troverano lhoro quel più numero potrano, atento el vendemiar, pur se ne mandi di qui bon numero. Item, è pocha polvere, barili 3000, e nel castel di Cremona erano 10 milia.

Item, hanno ricevuto lettere di Citadela di domino Alexandro Bigolim, etc., e di la Signoria, e consultato con li capi, terminò mandar 4000 balestrieri a cavalo, capo il reverendo fra' Lunardo, 200 stratioti et 1000 fanti soto domino Gnagni Pincon, e a hore 18 partino, passò la Brenta per il ponte di Vigodarzere, tamen li par gran cossa, etc. Ebeno poi altre dil dito Bigolim, in conclusion la cossa non reussiria si non luni di note, unde feno soprastar